

21-10-2015

Qaratsap aanaartoorneratigut timip ilaanik nukillaartoornermik nappaatillit siunnerfilimik aaqqissuussaalluartunik aammalu ataqatigiissarneqartunik sungiusaanissanik ingerlatsinisanik iliuusissatut pilersaaruteqarnissat pillugit Naalakkersuisut kingusinnerpaamik UPA 2016-imi Inatsisartunut aalajangiiffigisassatut siunnersuusioqquneqarnissaan-nik siunnersuut.

(Inatsisartunut ilaasortaq Agathe Fontain, Inuit Ataqatigiit)

Siumumiit Inatsisartunut ilaasortap Agathe Fontainip Inuit Ataqatigiinneersup siunnersuutaanut ima oqaaseqassaagut:

Qaratsakkut aanaattoorsimanermi ilaatigut timip ilaannik nukillaartoorneq aqqusaarneqarsinnaasartoq tamatta nalunngilarput. Tamanna inunnut pineqartunut inuttut oqimaatsuusarpoq, piginnaanngorsaaqqinnerlu aqputigalugu innarluutaalersup pitsaaliornissa pisariaqalersinnaasarluni.

Siumumiit qujassuteqarfigerusuppagut Napparsimaveqarfinni sulisut piginnaanngorsaaqqiillutik napparsimasunik ikiuulluartarnerannut aammalu periarfissaqartitsinerannut.

Siunnersuuteqartup siunnersuutimigut anguniarpaa iliuusissatut pilersaarummik siunnersuusior-toqassasoq, Naalakkersuisulli isumaqarput Namminersorlutik Oqartussat Kommuniillu akornanni suliaasaq avillugu periarfissaareermat saniatigut pilersaarusiortoqarnissaanik pisariaqartitsisoqa-nngittoq.

Maluginiarparput Naalakkersuisut pilersaarutaaneereermat kingunerlutsitsisunut piginnaanngor-saaqqittarneq annertusarlugu sungiusaasunik pillorissaasunillu immikkut 2016-imi atorfinitsitsiso-qassasoq, tamanna Siumumiit nuannaarutigalugu nalunaarutigissavarput, ikiorsiinissamullu anner-tusaaneq pissusissamisoortutut isigalugu.

Ilutigitillugu napparsimaveqarfiup innersuussineratigut piginnaanngorsaaqqinnissamik neqeroorute-qartarnermik ingerlatsisoqartarneranik oqartoqarmat, tatigaarput qularinagulu tunngavilersuutit aallaavigalugit ataqatigiittumik iliuusissaliortoqartarnissaannik ujartuineq ingerlanneqareersoq.

Naggataatigut Naalackersuisut akissuteqaamminni erseqqissarmassuk 2017-imi inatsisissamik saq-qummiussisoqarnissaa siunniunneqareersimasoq, taama oqaaseqarluta siunnersuutip taama isikko-qartillugu itigartinneqarnissaa Siumumiit inassutigaarput.

Ineqi Kielsen

Siumut